



UNIVERSITÄTS-
BIBLIOTHEK
PADERBORN

**Roma Sancta sive Benedicti XIII. Pontificis Maximi &
Eminentissimorum & Reverendissimorum S. R. E.
Cardinalium Viva Virtutum Imago Æri & literis in
perennaturam Virtutum memoriam incisa**

Conlin, Johann Rudolph

Augustæ Vindelicorum, Anno MDCCXXVI

VD18 10209328

No. X. Ludovicus Antonius De Noailles Gallus.

[urn:nbn:de:hbz:466:1-72633](https://nbn-resolving.de/urn:nbn:de:hbz:466:1-72633)

No. X.

LUDOVICUS ANTONIUS DE NOAILLES GALLUS.

Ludovicus Antonius tit. S. Mariæ super Minervam Cardinalis de Noailles Gallus Archiepiscopus Parisiensis natus est Ao. 1651. ex principe Noaliorum familiâ, quæ gentilitiam suam sedem in oppido Noailles Provinciae Lemovicensis ex antiquissimis retro temporibus obtinet. Ex eâ jamdum Anno 1608 Guinrandus Noalius inclytâ famâ inclaruit. Ejus nepos S. Ludovicum IX. Galliarum regem in Palæstinam securus est, viætricia Christiani nominis trophæa in terris infidelium erecturus. In saeculo XV. vixit Franciscus Noalius, suo ævo Sapientiæ choragus per Galliam habitus; nam compluribus legationibus Romam, Constantinopolim, nec non ad Anglos & Venetos obitis, ne qua pars orbis esset, quæ Noarios ignoraret, effecit: ne sua etiam apud Parisienses beneficia intermorerentur, vir sapientissimus copiosissime instructam bibliothecam, & rarissimis manu scriptis in lingua Græcâ celeberrimam, Sorbonæ reliquit, ut illa sapientiæ lumina ejusmodi literariis thesauris magis magisque ditescerent. Elapso saeculo XVI prodigiosa bellica virtute inclaruit Annas Noalius, Eminentissimi nostri Purpurati famigeratus parens, qui duodecimum annum vixdum egressus, Martem securus est, & ea fortitudinis bellicæ specimina edidit, ut meritissimo heroi Præfectura comitatus Ruscinonensis, & Perpinianum oppidum à Rege committeretur; nec etiam ante arma depositus, quam dum vitam, perpetuò sub galeâ actam, annos quinquaginta septem natus, bellicis fractus laboribus Anno 1678 terminaret. Filios post se reliquit Ludovicum Annum Julium primogenitum, patriarchum virtutum non minus, ac præfectorum hæredem: Secundò genitus est Eminentissimus noster Purpuratus Ludovicus Antonius, de quô hic sermo: tertio genitus Jacobus, terrâ marique bellorum archistrategus celeberrimus, idémque incliti Ordinis Melitensium eques, & ejus nomine ad Ludovicum XIV legatus gloria suæ & vitæ terminum inventus Ao. 1712. Quartò genitus Joannes Franciscus superioris Algernia Præfector, Martiâ non minus virtute celeberrimum nomen erat; sed & hoc belli fulmen Gallia extinctum luxit An. 1696. Post eos omnes elatos restabat adhuc natu minimus Joannes Baptista Ludovicus Gasto, Catalauni in Campaniâ Episcopus; verum & hoc sapientiæ lumen extinctum Ao. 1720 docta Pallas indoluit, & funus madidis oculis Eminentissimus noster Purpuratus aspexit, quem solum ex tot illustrissimæ familie suæ syderibus fors reliquum fecit; nam & Princeps soror, quam unicum natus est, Ludovica Anna, marchioni Lavandino nuptui collocata, inimicâ mortis falce abrupta erat Ao. 1693. Ergo unus omnium instar nobis sit Eminentissimus Cardinalis Ludovicus Antonius; quem equidem pium, rectum, juris ac æqui observantissimum Gallia deprædicat. Duodevigesimum annum vixdum egressus, rara apud principes viros in ea saltē ætate felicitate doctoratū lauream, insignis Theologus adeptus est. Mox anno 1679 Divonæ Cadurcorum Episcopus creabatur, optimus pascendis gregibus pastor visus. Anno 1680 Catalauni in Campania episcopus factus, Franciæ Paribus annumeratum se vidit. Anno 1695 archiepiscopatum Parisiensem, Regis Christianissimi animo in insignem hunc virum ut plurimum propendente adeptus est. Anno 1697 Hymnum Ambricianum in Metropolitanâ Parisiensi ob pacem Riswickensem inter principes Christianos conclusam, solemniter incantabat Ao. 1698 sacram purpuram à suis æquè virtutibus ac regio favore insigniter commendatus, ab Innocentio XII. obti

obtinuit; mox Sacrum biretum ē manibus ipsius regis, qui in eo excolendo totus erat, recepit 22. Julii. Cū regi pro impetrata purpurā gratias acturus in aulam se conferret, rex magnificè testatus est, se ex eo purpurā honore, quo condecoratus esset, plūs gaudii percipere, quām ipsemet, utpote ab omni ambitu alienissimus inde lataretur. Statim postea decanus juridicæ facultatis in celeberrima universitate Parisiensi assumptus est: quem enim digniori suffragio Sacra Themis sibi feligeret quām principem hunc virum? cui nihil magis unquam solemne fuit, quām suum cuilibet tribuere, quem juris & æqui tam observantem dicunt, ut solos illos juris peritos sincerissimo affectu complectatur, quos probitatis fama commendat; contrā reliquos cane pejus & angue odio habeat, qui justitiam procrastinando aut male administrando, lucello turpiter inhiant, qui denique miserorum patronus ipsemet est, quos ad se recurrentes benignissime fovet, & paterno plusquam affectu complectitur. Anno 1701 Principi Africano, sacris lustralibus undis abluto sacram Synaxin vir in propaganda religione Zelosissimus distribuit. Anno 1709 cū gravissima frumenti penuria Galliam urgeret, ad placandam divinam iram, frequentes processiones, in omnem quaqua verlus partem sollicitus pastor indixit. Eodem anno ex argentea sua suppellecili, ut regium ærarium sublevaret, numos cudi curavit. Anno 1714 in principe Magnæ Virginis ecclesiæ sacram Hostiam deo primum libavit, similque solemnem missam, super eadem arā annuè celebrandam, munificè dotavit. Anno 1715 piis, manibus Ludovici XIV. funebria persolvit. Inde à Principe Aureliacensi, in quem ob teneram regis ætatem totius regni administratio reclinabat, consilii ecclesiastici præses denominatus est. Tunc quidem cœlo Gallico aliqua dissensionum nubila sese intendebant, quos suis hic Phœbus radiis ex integro dispulsurus creditur. Certè anno 1720 Mens Martio post complura amicabilia colloquia cum Eminentissimis Purpuratis Rohano & Bissio Galliæ luminibus in charissimos amplexus ibat, non paucus florentissimum regnum in incerto opinionum diutius jactari, aut ulla Gallico soli maculas offundi. Planè Benedictus XIII. novus oriens felicitatis Bosphorus, gallicum cœlum intelligentiae sive lumine ex toto animabit, Eminentissimo nostro Purpurato ad eum ceu stellam polarem unicè respiciente, eoque nayiculam, diu jactatam, cursu non aberraturo dirigente. Anno 1717 cū magnus Moscorum Princeps Parisiis aliquamdiu commoraretur, & admirabili prudentiâ suâ neminem non in summam admiracionem raperet, etiam Eminentissimus noster Purpuratus, pro summa suâ in hospites humanitate eundem invisit; Tunc quidem de summis quibusvis rebus Sermonem sapientissimè conferebant, id quisque miratus in altero, quō & ipse vicissim mirantem rapiebat. Planè docti & integerrimi Antistitis laudem ab externo principe retulit, qui felicem regnorum suorum Statum tunc denique futurum referebat, si tales Apollines sacræ præsiderent. Ao. 1719 Christianissimum regem Ludovic. XV. sacro Chrysinate inunxit, eum ad pugnam adversus hostes quoscunque, quos erinnys in genus humanum immittit, fortiter subeundam animando. Superi tenellos principis artus in Herculeum robur excrescere sinant, ut sacra trophyæ per Christianum orbem ubivis locorum exsplicet. Cū etiam idem Eminentissimus Purpuratus intelligeret in celeberrimo hospitali Parisiensi, quod invalidorum vocant, ubi regiā munificentia duces æquè ac milites exantlatis belli laboribus exhaustis sustentantur, complures reperi, qui sacro confirmationis Chrysinate inuncti nunquam fuerint, indignum ratus, eos in numerum militum venire, qui militiae Christi nequā ex toto initiati essent, fortissima exhortatione eos impulit, ut salutari hoc sacramento roborarentur, Christi milites imposterum futuri, cū terris militare desissent. Anno 1720 cū Libitina in urbe Massiliensi strages innumeræ faceret, supplicationem Parisiis indixit, & facundissimo ore edocuit, cumulata moralium peccata putridum illum fontem existere, ex quo tot mala, ingenti calamitate in orbem inundantia, unice profluerent. Eodem anno cū cupida mortalium mens Missisiensibus lucris, uno veluti cœstro abrepta, mirum caperetur, clericis per totum suum archiepiscopatum graviter interdixit, ne terrestribus hifce curis se implicarent, & satis habent, ut Ecclesiarum suarum curis sedulo intenti, sive denique suosque unicè curarent; neque enim ignorabat optimus antistes, divitias hamum esse, quo animi etiam probissimorum nunquam non miserrimè inescantur. Anno 1721 Zelosissimi hujus Præsidis operâ in Sacra Romana Ecclesiæ gremium redit Comes Sperlingus, natione Suecus, maximarum opum hæres, quibus Christum præhabuit. Eodem anno Rhedenibus In Britannia horrendo incendio misere absuntis, eo plurimorum incendio medullitus Tangebatur, & subficio charitativo miseros non modò ipsemet sublevavit, verum etiam ut ab aliis sublevarentur, provida per suum archiepiscopatum curâ procuravit. Sub initium hujus Anno 1725 placidissimus hic senex graviter decubuit; ne tamen hic sol tam cito disperaret, pauperum preces effecisse videntur, in quos tam profusa liberalitate fertur, ut tam insignes eleemosynarios, amplissima Gallia paucos enumeret. Dignissimus proinde, quem in sinu Abrahæ Angeli aliquando deportent, cū facultates ejus in coelestes thesauros manus pauperum iamdum deportaverint, corde ibi indubie futuro, ubi thesaurus repertus est.

No.